

## SCRIPT OF MORNING GOJRI NEWS BULLETIN 6FEB 2025

1015HRS

مارننگ گو جری نیوز بولٹن 6 فروری 2025

\*\*\*\*\*

یوہ آکاشوانی جموں ہے محمد اکرم تیں خبر سُنو۔

\*\*\*\*\*

### CM BUDGET J&K

وزیر اعلیٰ عمر عبداللہ نے گزشتہ روز اپنا حکومت غا وزم غو اعادو کیو وے جموں کشمیر غی عوام واسطے فائدو مند بجٹ غی تشکیل مانہ عوامی نمائینداں غی شمولیت اس گل ناہہ یقینی بناوے کہ لوکاں غی خواہشات تے ضروریات غی عکاسی وے۔ آکاشوانی جموں گا نمائیندہ غی رپوٹ غے مطابق اُنہاں نے جموں غا سیول سیکرٹریٹ مانہہ بجٹ تیں پہلاں مشاورتی میٹنگاں گی صدارت کی تے اننت ناگ کٹھوعہ بڈگام تے سانبہ ضلعاں غا قانون سازاں تے ضلع غا ترقیاتی کونسلان گا چئیر پرسن غا نال ویڈیو کانفرنسنگ غے زریوے شامل ہوا۔ وزیر اعلیٰ نے اس گل ور زور دتو کہ اس طرح غا مشاورتی توں حکمرانی ناہہ فروغ ملے۔ اُنہاں نے مزید کہیو کہ ان مشاوراتاں گو بنیادی مقصد بجٹ ناہہ حتمی شکل دین توں پہلاں اہم شراکت داراں تیں قیمتی تجاویز جمع کرنو ہئے۔ وزیر اعلیٰ نے کہیو کہ مرکزی زیر حکومت یوہ یقینی بنانو چاوے کہ بجٹ صرف حکومت غی طرفوں نہیں بلکہ عوام غی طرفوں تے عوام واسطے وے۔ اُنہاں نے کہیو اُن آلو بجٹ صرف حکومت غا دفتر تک محدود نہیں وے غو وزیر اعلیٰ نے قانون سازاں تے ترقیاتی کونسلان گا چئیر پرسن ناہہ یقین دوايو کہ اُن غی تجاویز اُن آلا بجٹ غی تشکیل مانہہ اہم کردار ادا کریں غی وزیر اعلیٰ نے مزید کہیو کہ یوہ مشاورتی ایک وقتی واقعہ نہیں ہے ہم عوامی نمائینداں غے نال مستقبل مانہہ وی رابطو قائم کرن غو ارادو رکھیں تانجے حکمرانی مانہہ شفافیت تے شمولیت ناہہ یقینی بنایو جے۔ اس میٹنگ مانہہ وزیر اعلیٰ غا مشیر ناصر اسلم وانی اضافی چیف سکٹری دیرج گپتا مالیات غا پرنسپل سکٹری سنٹوش ڈی ویدیا جموں کشمیر بجٹ غا ڈائریکٹر جنرل کٹھوعہ سانبہ اننت ناگ تے بڈگام ضلعاں غا ڈپٹی کمشنر ترقیاتی کونسلان غا چئیر پرسن قانون سازاں تے دیگر اعلیٰ افسراں نے شرکت کی۔

\*\*\*\*\*

### DC KATHUA

ڈپٹی کمشنر کٹھوعہ راکیش منہاس گی سر براہی مانہہ ضلع انتظامیہ کٹھوعہ نے کل ضلع گا بکھ بکھ اسمبلی حلقاں گی نمائندگی کرن آلا اراکین اسمبلی گے نال قبل از بجٹ مشاورتی اجلاس طلب کیو ہے یا میٹنگ ڈی سی دفتر مانہہ منعقد ہوئی جس مانہہ ایم ایل ایس تے زراتی طور مانہ ایم ایل اے کٹھوعہ ڈاکٹر بھارت بھوشن ایم ایل اے جسروٹہ راجیو جسروٹہ ایم ایل اے بیرہ نگر وجے شرما تے ایم ایل اے بیلاور ستیش شرما جدکہ ایم ایل اے بنی رامیشور سنگھ نے ور چول طور میٹنگ مانہہ شمولیت کی مشاورتی میٹنگ غے دوران اراکین اسمبلی نے اپنی ترقیاتی ترجیحات پیش کی۔ ضلع ترقیات کونسل گا چئیر پرسن مہان سنگھ نے وی ان منسلک ملاقاں مانہہ سڑک رابطاں انہہ بدان گی ضروریات ور زور پایو۔

\*\*\*\*\*

### WATERSHED

زرعی پیداوار تے ڈیہی ترقی محکمہ غا وزیر جاوید احمد دار نے کل ماحولیاتی تحفظ تے پانی گا انتظام گی اہم ضروریات ور زور دیتا واں تیز رفتار ترقی تے تجارت کاری نال درپیش للکاراں ور لوکھلی۔ آکاشوانی جموں گا نامہ نگار نے اطلاع دتی ہے کہ سرکار ڈگری کالج

منریگا کٹھوعہ مانہہ واٹر شیڈ یا ترہ نانہہ چنڈی دسن گے دوران وزیر موصوف نے شہری کا ای اور صنعتی پھیلاو گی وجہ نال بدھتا واں ماحولیاتی خدشات ور لوکھلی اُنہاں نے اس گل ور زور دتو کہ ترقی صرف ماحولیاتی توارن گے مطابق کی جانی چاہیے وزیر موصوف نے لوکاں ور زور پایو جے وے مزید انتظار گے خلاف مارہ ماصول گا تحفظ مانہہ اپنو حصو پایوین۔ تے نال ہی اس یا ترہ گو حصو بنیں۔ اُنہاں نے ماحولیاتی تبدیلیاں گا اثرات نانہہ کہٹ کرن پائیدار ترقی نافز یعنی بنان واسطے قدرتی وسائل بلخصوص آبی ذخیرہ تے جنگلات گا تحفظ گی فوری ضرورت ور زور پائیو اُنہاں نے مزید کیو جے واٹر شیڈ یا ترہ ایک بہتر مستقبل آلے پاسے ایک اہم قدم ہے۔

\*\*\*\*\*

## MGNREGS JK

مالی سال ۲ ہزار ۳۲-۴۲ مانہہ جموں کشمیر مانہہ مہاتما گاندھی قومی دیہی روزگار عہد سکیم تیں ۱ لکھ ۸ ہزار تیں زیادہ مزدوراں غی منسوخ کی گئی ہے جہیرو کہ ۲ ہزار ۲۲-۳۲ غے مقابلہ مانہہ ایک نمایو اضافو ہے جت ۴۴ ہزار ۲ سو ۷۲ منسوخ کیا گیا تھا آکاشوانی جموں غا نمائندہ غی رپوٹ غے مطابق منسوخ ہون غی وجوہات مانہہ عام طور ور جعلی دوہری تے یا پھر غلط روزگار کارڈ تے خانداناں غو مستقل طور ور گرام پنچائیت تیں منتقل ہونو تے یا پھر کسی گراں غو شہر غی طور ور شرحہ بندی ہونو شامل ہے۔

\*\*\*\*\*

## DAR HADP

زراعت پیداوار دیہی ترقی تے پنچائتی راج محکماں گا وزیر جاوید احمد ڈار نے گزشتہ روز کٹھوعہ ضلع گو وسیع دورو کیو۔ تاکہ مجموعی زراعت پیداوار پروگرام گے تحت ترقی پزیر کاشتکاری گی سرگرمیاں غو جائیزو لیو جاسکے۔ وزیر موصوف نے اس گل ور زور پایو جے ایہ اے ڈی پی گے تحت کساناں بل خصوص کالسری کساناں کو بتھ تھمونو ترقی پسند کلسٹکاری گا ترقہ نانہہ اگے بدھا دینو ہے تے اس نال جموں کشمیر مانہہ پائیدار ترقی نانہہ یقینی بنا رہیو ہے۔

\*\*\*\*\*